

গণপ্রজাতন্ত্রী বাংলাদেশ সরকার
সমন্বিত উপবৃত্তি কর্মসূচি
সেকেন্ডারি এডুকেশন ডেভেলপমেন্ট প্রোগ্রাম
প্রধানমন্ত্রীর শিক্ষা সহায়তা ট্রাস্ট
hsp.sedp@gmail.com



স্মারক নং-এইচএসপি/মাঠ পর্যায়ে যোগাযোগ/০৪/২০১৯/ ৫০ (৫৭)

তারিখ: ০৭.০৩.২০২১ খ্রি.

বিষয় : সমন্বিত উপবৃত্তি কর্মসূচির আওতায় ৬ষ্ঠ থেকে ১২শ শ্রেণি পর্যন্ত অধ্যয়নরত শিক্ষার্থীদের উপবৃত্তি,টিউশন ফি এবং অন্যান্য সুবিধাদি প্রদানের লক্ষ্যে শিক্ষা প্রতিষ্ঠান অন্তর্ভুক্তকরণ প্রসঙ্গে।

উপর্যুক্ত বিষয়ের পরিপ্রেক্ষিতে জানানো যাচ্ছে যে, মাধ্যমিক ও উচ্চ মাধ্যমিক শিক্ষা বোর্ড (সাধারণ) এবং বাংলাদেশ মাদ্রাসা শিক্ষা বোর্ডের আওতাধীন দেশের সমগ্র এলাকার মাধ্যমিক ও উচ্চমাধ্যমিক পর্যায়ে শিক্ষা প্রতিষ্ঠানে ৬ষ্ঠ থেকে ১২শ শ্রেণি পর্যন্ত অধ্যয়নরত আর্থিকভাবে অসচ্ছল শিক্ষার্থীদের উপবৃত্তি,টিউশন ফি এবং অন্যান্য সুবিধাদি প্রদানের লক্ষ্যে দেশের সমগ্র এলাকার (মেট্রোপলিটন শহর ও জেলা সদরের পৌর এলাকাসহ) শিক্ষা প্রতিষ্ঠান সমন্বিত উপবৃত্তি কর্মসূচির আওতাভুক্ত করার জন্য দরখাস্ত আহ্বান করা যাচ্ছে।

আবেদনের নিয়মাবলী :

১। সমন্বিত উপবৃত্তি কর্মসূচির আওতাভুক্ত নয় এমন শিক্ষা প্রতিষ্ঠান এ কর্মসূচির অন্তর্ভুক্ত হতে হলে শিক্ষা বোর্ড কর্তৃক পাঠদানের অনুমতি বা স্বীকৃতি থাকতে হবে। সরকারি, বেসরকারি এমপিও বা ননএমপিও উভয় ধরনের শিক্ষা প্রতিষ্ঠানই আবেদন করতে পারবে।

২। সমন্বিত উপবৃত্তি কর্মসূচির অন্তর্ভুক্ত হওয়ার জন্য বেসরকারি শিক্ষা প্রতিষ্ঠানের ম্যানেজিং কমিটি/গভর্নিং বোর্ডের অনুমোদনের রেজুলেশন, শিক্ষাবোর্ড কর্তৃক অনুমতি বা স্বীকৃতিপত্রের সত্যায়িত ফটোকপি এবং সহযোগিতা চুক্তিপত্র স্বাক্ষরপূর্বক শিক্ষা প্রতিষ্ঠান প্রধান উপজেলা/থানা মাধ্যমিক শিক্ষা কর্মকর্তার মাধ্যমে স্কিম পরিচালক বরাবর আগামী ১৮.০৩.২০২১ খ্রি. তারিখের মধ্যে আবেদন করবেন। ম্যানেজিং কমিটি/গভর্নিং বডি না থাকলে সহযোগিতা চুক্তিপত্রে সভাপতির স্বাক্ষরের স্থলে এবং উপবৃত্তির অন্যান্য কাগজপত্রে (প্রযোজ্য ক্ষেত্রে) উপজেলা নির্বাহী কর্মকর্তা (উপজেলার ক্ষেত্রে) এবং মেট্রোপলিটন এলাকার ক্ষেত্রে সংশ্লিষ্ট জেলা শিক্ষা অফিসার স্বাক্ষর করবেন। সহযোগিতা চুক্তিপত্রের নমুনাকপি উপজেলা/থানা মাধ্যমিক শিক্ষা কর্মকর্তার দপ্তরে অথবা মাউশি এবং প্রধানমন্ত্রীর শিক্ষা সহায়তা ট্রাস্টের ওয়েবসাইটে পাওয়া যাবে।

৩। ইতোপূর্বে ঢাকা, চট্টগ্রাম, রাজশাহী এবং খুলনা মেট্রোপলিটন এলাকার মাধ্যমিক পর্যায়ে(৬ষ্ঠ-১০ম) শিক্ষা প্রতিষ্ঠান কোন উপবৃত্তি প্রকল্প/কর্মসূচির অন্তর্ভুক্ত ছিল না। বর্তমানে উক্ত এলাকার শিক্ষা প্রতিষ্ঠানও উপবৃত্তি কর্মসূচির আওতাভুক্ত হতে পারবে।

৪। দেশের ৩টি পার্বত্য জেলা ব্যতীত অন্য ৬১টি জেলা সদরের পৌরসভা এলাকার মাধ্যমিক পর্যায়ে শিক্ষা প্রতিষ্ঠান সমন্বিত উপবৃত্তি কর্মসূচির অন্তর্ভুক্ত ছিল না। বর্তমানে সকল জেলা সদরের পৌরসভা এলাকার শিক্ষা প্রতিষ্ঠান সমন্বিত উপবৃত্তি কর্মসূচির আওতাভুক্ত হবে। যেসকল শিক্ষা প্রতিষ্ঠান ইতোপূর্বে কোন উপবৃত্তি প্রকল্পের অন্তর্ভুক্ত ছিল সে সকল প্রতিষ্ঠানকে নতুনভাবে এ কর্মসূচির অন্তর্ভুক্ত হওয়ার জন্য আবেদন করার প্রয়োজন নাই। তবে এ ক্ষেত্রে উপজেলা/থানা মাধ্যমিক শিক্ষা অফিসারগণ উক্ত প্রতিষ্ঠানসমূহের ইউজার আইডি এবং পাসওয়ার্ড গ্রহণের জন্য তাদের তালিকা স্কিম পরিচালক বরাবর প্রেরণ করবেন।

৫। ইতোপূর্বে যে সকল উচ্চ মাধ্যমিক পর্যায়ে সাধারণ শিক্ষা প্রতিষ্ঠানসমূহ “উচ্চ মাধ্যমিক উপবৃত্তি প্রকল্প”-এর অন্তর্ভুক্ত ছিলো সে সকল প্রতিষ্ঠানের নতুনভাবে আবেদনের প্রয়োজন নাই।


৬। সমন্বিত উপবৃত্তি কর্মসূচির স্কিম ডকুমেন্টে কারিগরি শিক্ষা বোর্ডের অনুমোদিত কোন শিক্ষা প্রতিষ্ঠান বা শাখা এ কর্মসূচির আওতাভুক্ত করার উল্লেখ না থাকায় উক্ত প্রকারের শিক্ষার্থীরা এ উপবৃত্তি কর্মসূচির আওতায় উপবৃত্তি পাবে না। তবে উচ্চ মাধ্যমিক পর্যায়ে কারিগরি শিক্ষাবোর্ডের আওতাভুক্ত ব্যবসায় ব্যবস্থাপনা (বিএম) শাখায় পাঠদানকৃত শিক্ষা প্রতিষ্ঠানসমূহ এ

কর্মসূচির অন্তর্ভুক্ত করার লক্ষ্যে স্কিম ডকুমেন্ট সংশোধনের জন্য মাধ্যমিক ও উচ্চশিক্ষা বিভাগে প্রস্তাব প্রেরণ করা হয়েছে।
উক্ত প্রস্তাব অনুমোদিত হলে বি.এম শাখার শিক্ষার্থীদের উপবৃত্তি কর্মসূচির অন্তর্ভুক্ত করা হবে।

৭। কোন শিক্ষা প্রতিষ্ঠান সমন্বিত উপবৃত্তি কর্মসূচির অন্তর্ভুক্ত করার জন্য প্রয়োজনীয় তথ্যাদিসহ (২ নং নিয়মে বর্ণিত) আবেদনপত্র সংশ্লিষ্ট উপজেলা/থানা মাধ্যমিক শিক্ষা কর্মকর্তার দপ্তরে জরুরিভাবে দাখিল করতে হবে। আবেদন প্রাপ্তির পরে সংশ্লিষ্ট ইউএসইও/টিএসইও তথ্যাদি যাচাই-বাছাই করে তাঁর সুপারিশসহ আবেদনপত্র আগামী ১৮.০৩.২০২১ খ্রি. তারিখের মধ্যে স্কিম পরিচালকের দপ্তরে পৌঁছাতে হবে। উল্লেখ্য যে আবেদনের হার্ডকপি ডাকযোগে শিক্ষা ভবন, ২য় ব্লক, ৫মতলা, মাধ্যমিক ও উচ্চ অধিদপ্তর, বাংলাদেশ, ঢাকা-১০০০ এবং আবেদনপত্রের সফটকপি এই (hsp.sstipend@gmail.com) ইমেইল ঠিকানায় প্রেরণ করতে হবে।

৮। নির্ধারিত তারিখের পরে কোন আবেদন গ্রহণ বা নতুন কোন শিক্ষা প্রতিষ্ঠান এ কর্মসূচির অন্তর্ভুক্ত করা হবে না। তাই নির্ধারিত সময়ের মধ্যে আবেদনপত্র প্রেরণপূর্বক দরিদ্র শিক্ষার্থীদের উপবৃত্তি প্রাপ্তির সুযোগ করে দেওয়ার জন্য সংশ্লিষ্ট শিক্ষা প্রতিষ্ঠান প্রধান এবং ইউএসইও/থানা মাধ্যমিক শিক্ষা অফিসারগণকে বিশেষভাবে অনুরোধ করা হলো।

সংযুক্তি: সহযোগিতা চুক্তিপত্র।



০৭/০৬/২০

(শরীফ মোর্তজা মামুন)
স্কিম পরিচালক

উপজেলা/থানা মাধ্যমিক শিক্ষা কর্মকর্তা
সকল উপজেলা/থানা।

ফোন : ০২-৯৫৬৩৪১২।

স্মারক নং-এইচএসপি/মাঠ পর্যায়ে যোগাযোগ/০৪/২০১৯/৫০(০৭)/১(৫০০) তারিখ: ০৭.০৩.২০২১ খ্রি.

অনুলিপি: সদয় অবগতির জন্য ও প্রয়োজনীয় ব্যবস্থা গ্রহণের জন্য (জ্যেষ্ঠতার ভিত্তিতে নয়) :

- ০১। সচিব, মাধ্যমিক ও উচ্চশিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
- ০২। ব্যবস্থাপনা পরিচালক, প্রধানমন্ত্রীর শিক্ষা সহায়তা ট্রাস্ট, ধানমন্ডি, ঢাকা।
- ০৩। মহাপরিচালক, মাধ্যমিক ও উচ্চ শিক্ষা অধিদপ্তর, বাংলাদেশ, ঢাকা।
- ০৪। প্রোগ্রাম কো-অর্ডিনেটর, সেকেন্ডারি এডুকেশন ডেভেলপমেন্ট প্রোগ্রাম, শিক্ষা ভবন, ঢাকা।
- ০৫। পরিচালক, প্রধানমন্ত্রীর শিক্ষা সহায়তা ট্রাস্ট, ধানমন্ডি, ঢাকা।
- ০৬। সকল কর্মকর্তা, সমন্বিত উপবৃত্তি কর্মসূচি, প্রধানমন্ত্রীর শিক্ষা সহায়তা ট্রাস্ট, ঢাকা।
- ০৭। উপজেলা নির্বাহী কর্মকর্তা, সকল উপজেলা।
- ০৮। জেলা শিক্ষা অফিসার, সকল জেলা।
- ০৯। শিক্ষা প্রতিষ্ঠান প্রধান (সকল শিক্ষা প্রতিষ্ঠান)।
- ১০। সিনিয়র সিস্টেম এনালিস্ট, মাধ্যমিক ও উচ্চ শিক্ষা অধিদপ্তর, ঢাকা
(মাউশি এর ওয়েবসাইটে প্রকাশের অনুরোধসহ)।
- ১১। সিস্টেম এনালিস্ট, মাদ্রাসা শিক্ষা অধিদপ্তর, ঢাকা
(ওয়েবসাইটে প্রকাশের অনুরোধসহ)।
- ১২। সহকারী প্রোগ্রামার, প্রধানমন্ত্রীর শিক্ষা সহায়তা ট্রাস্ট, ধানমন্ডি, ঢাকা
(পিএমইএটি -এর ওয়েবসাইটে প্রকাশের অনুরোধসহ)।
- ১৩। সংরক্ষণ নথি।



০৭.০৬.২০২০

(শ.ম. সাইফুল আলম)
উপপরিচালক
সমন্বিত উপবৃত্তি কর্মসূচি